



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 1. An absolutiones à Parocho excommunicato, suis Parochianis  
impertitæ, fuerint validæ?

**urn:nbn:de:hbz:466:1-41144**

## C A S U S LVII.

*De Parocho excommunicato absolvente à peccatis &c.*

**H**Eribertus Parochus excommunicatus ob delictum à se commissum pergit obire munus Parochiale, & Confessiones suorum Parochianorum excipere, putantium eum non carere jurisdictione, quā tamen spoliatus erat. Inter confitentes accedit etiam Necetas, & sua peccata confitetur, & absolvitur, sed vix peracta absolutione, dum ē S. Tribunal recedere parat, recordatur peccati mortalis, cuius prius oblitus fuerat, à quo proin etiam absolvī petit, uti etiam ab alio peccato, quod prius ut dubium exposuerat, sed nūc scit certum fuisse. Heribertus ratus non esse opus nova absolutione, eum absque illa à se dimittit.

**QUÆR. I.** An Absolutiones ab Heriberto excommunicato impetratae suis Parochianis valide fuerint?

**QUÆR. II.** An denuò sit absolvendus, qui post peractam Confessionem, & acceptam absolutionem statim subjungit peccatum grave, cuius prius fuerat oblitus?

**QUÆR. III.** An, qui confessus est peccatum ut dubium, si postea deprehendat, certum fuisse, teneatur rursus ut certum confiteri?

**A**d i. Q. Suppono intervenisse communem, & publicum Parochianorum errorem, putantium Parochum suum præditum esse ea-

dem jurisdictione, quā prius prædictus erat ante commissum delictum; quam tamen amiserat per Excommunicationem, quæ delicto

lieto annexa erat. Hoc suppo-  
sito.

Ad Q. Videtur, absolutiones ab Heriberto suis poenitentibus impensas invalidas fuisse, & nullas. Primò, quia si error communis non interveniret, absolutiones Heriberti invalidæ forent: ergo etiam invalidæ sunt stante errore, quia non apparet, unde Confessarius in tali casu acquirat jurisdictionem, quâ excidit. Non ab errore, quia inconveniens, & absurdum est, dicere, quod jus, ut pote æquum, & bonum, nascatur ab erroribus. Non à Parochianis, quia hi jurisdictionem dare non possunt, nec censemur dare ob ignorantiam defectus, qui eis ignotus est. Non denique à Superiore ob eandem rationem, & præterea in impedimento jurisdictionem tollente Superior sœpe dispensare nequit. Secundò, quia si error communis jurisdictionem conferret, tunc validæ etiam essent absolutiones collatae à Clerico non Sacerdote, casu, quo per errorem haberetur pro Sacerdote: sequela est contra sensum Ecclesie, ipsamque veritatem.

Nihilominus affirmativè respon-  
323 dendum est, ac tenendum eas ab-  
solutiones validas fuisse. Ita  
Communis DD. cum Suarez, Lug.  
Sanch. Diana Coninck, Bonac.  
& sumitur ex L. Barbarini 3. ff. de-

Offic. Prætor. Can. infamis 1. §. ve-  
rum tamen caus. 3. q. 7. & arg. C.  
ad probandum 24. de sentent. & re  
judic. Et ratio est; quia quando  
communis error coniunctus est  
cum titulo colorato, ut si quis  
passim putetur esse Pastor, qui ob  
aliquem defectum re vera talis  
non est, aut si Parochus expo-  
nat Sacerdotem non approbatum,  
qui publicè approbatus existima-  
tur &c. Ecclesia in tali casu sup-  
plet defectum, & jurisdictionem  
ad valorem necessariam imper-  
tit ob communem, & publicam  
poenitentium utilitatem. Nec va-  
lori obest mala fides ipsius Con-  
fessarii, aut Parochi scientis se  
carere jurisdictione, modò com-  
muni errore existimetur illâ præ-  
dictus, quia beneficium L. Barba-  
rius, & §. verum tamen citr. non  
est datum in favorem Confessarii  
aut Judicis, sed boni publici, quod  
alias plurimum pateretur, si in ta-  
li casu mala fides Judicis, Con-  
fessarii, aut Parochi obesset valori  
actuum. Ex pari ratione valent  
acta Episcopi, vel alterius Præla-  
ti, cuius electio ob aliquod ju-  
ris humani impedimentum irrita,  
& nulla fuit, si ejus nullitas pu-  
blicè, ac communiter ignoretur,  
ut notat Wiesn. hîc n. 89.

Similiter si quis bona fide co-  
pit possidere Beneficium, cui in  
hoc foro annexa est jurisdictione, &  
postea incipit dubitare de valore  
colla-

collationis, si facta diligentia inquisitione, manet adhuc dubius, sicut ipse in tali casu licet retinet Beneficium, ita licet exercet jurisdictionem Beneficio annexam; quia si forte Beneficium non esset ei validè collatum; Ecclesia tamen ob bonum commune suppleret tunc ejus defectum, jurisdictionem conferendo. Unde

Patet responsio ad argumenta in contrarium adducta.

Ad 1. enim R. jurisdictionem in tali casu conferri ab Ecclesia (vel à Republica respectu Judicis sacerdotalis) favore non tam ipsius erroris, quam publicæ necessitatis, & utilitatis, id quod suadet sollicitudo & benignitas Ecclesiae erga suos subditos, & fideles.

Ad 2. neg. seq. nam quæstio hæc procedit de impedimentis juris humani; ubi Ecclesia, vel Respubl. potest supplere, & jurisdictionem conferre; Ecclesia autem in non sacerdote defectum supplere nequit, nam Ordo sacerdotalis ad valorem sacramentalis Absolutionis requiritur ex jure divino.

Ad 2. Q. Videtur opus non esse nova absolutione, si peccatum per oblivionem omissum statim sub jungatur post acceptam absolutionem. Tum quia Confessio hæc posterior censetur moraliter esse una, eademque cum illa priori; er-

R. P. Leonardelli Soc. Jesu.

go sufficit etiam una, eademque absolutio.

Tum quia etiam in aliis sacramentis prolatæ physicè forma, non censentur moraliter finita, sed aliquantulum suspensa, donec materia apponatur, quæ posita primum adæquatè absolvuntur, & perficiuntur, uti contingit in Baptismo, in quo, prolatæ physicè forma, non debet necessariò uno simul, eodemque momento ponî ablutio. Ergo.

His non obstantibus dicendum est, denuò absolvendum esse, qui post peractam Confessionem, & acceptam jam absolutionem statim subjungit novum peccatum mortale, cujus prius in actu Confessionis fuerat oblitus, id, quod plerique DD. supponere videntur cum Lug. D. 14, n. 24, & ratio ipsa suadet; quia prolatæ sententiæ judiciali absolvitur judicium, & finitur totus actus judicialis terminatus ad delicta ad judicium delata: ergo non censetur amplius moraliter extendi ad alia delicta huic judicio nondum subjecta, sed pro nova accusatione, novoque delicto, novum quoque judicium instituendum est, novaque sententia ferenda. Unde

Patet responsio ad 1. rationem in contrarium allatam.

Ad 2. negatur paritas cum iis sacramentis, quæ prolatæ physicè formâ nondum censentur moraliter

Zz finita,